



# Arubaanse Courant

Anja 26.

DIARAZON 7 OKTOBER 1964

No. 5152.

## Apuntes editorial INSULTA

Ora cu Amigoe di Aruba rabia e diario aki ta cuminsa cu insultamento. Ora cu e diario aki sinti su mes irrita door di Arubaanse Courant e ta scirbi articulonnan den cual Arubaanse Courant ta worde yama un "Courant den miniatura" of na unda nan ta duna comentarionan di tal forma. Si un hende no duna e diario menciona e cooperacion cual hopi biaha injustamente e ta kere di tin derecho ariba, e persona aki majoria parti na promer ocasion cu nan hanja, nan ta tene e persona aki di spektakel.

E ultimo victima di e insultacionan di Amigoe ta senyor John Hart, kende despues di algun anjanan di inactividad ultimamente a bolbe regresa den trabao di sindical cu y awor entre otro ta presidente di Union di Trahadornan di Hotel. Como cu senyor Hart no a informa Amigoe bastante na tempo encuanto di e sindicato estableci den cual e tin puesto y tampoco ta pertenece na e grupo sindical cual ya mas cu un anja largo por conta cu un fidelidad incomparable di e diario Curazolenjo, cual desde un anja tambe ta pronk cu un nomber cual senyor Amador Nita hopi tempo promer cu esey ya tabata usa pa su edicion cual periodicamente tabata sali, senyor Hart dia trinta di september mester a ricibi algun golpi "under the belt" for di Amigoe. "Cuidador di presu como presidente di Union di Hotel", tabata e cabez di tres kolom den e diario menciona. Alavez nos ta lesa, "Lidernan di sindicatonan a bisadita sorprendi, cu den e directivanan di e sindicatonan U.T.H. y S.O.C. ultimamente estableci, tin miembronan kendenan no ta trahadene oficina cual e unionan ta representa."

Awor tin dos cos cu nos no ta compronde mucho bon. Esta na promer lugar nos ta puntra nos mes. pakio e palabra "cuidador di prisionero" continuamente mester worde ripiti cu accento ariba, dje. No ta posibel cu e trabao di diario di senyor Hart lo por a worde indica tambe como "ambtenaar"? Si Amigoe ta pensa di tin di pone algo di menesprecio den e palabra aki, anto nos tin di bisa cu nos ta prefera di ta un ciudadador di prisionero kende ta culpa su prisioneronan bon y correcto, na lugar di ta un locutor, lesador di noticia cu no ta domina su propio idioma of un agente di aseguro kende ta fracaso den su trabao. Alavez nos kier pone aserca, cu nos no ta hanja nada stranjo na e persona di un ambtenaar, trahando na cualkier departamento cu sea, kende ta den directiva di un sindicato. Senyor Hart por para ariba un bon conocimiento di trabao y estudio di sindicalismo gracias na su actividadnan antes riba e tereno aki. Y si acaso senyor Eddy Maduro, segun Amigoe a informa, enberdad a bisa cu no ta correcto cu den un directiva di un sindicato tin hendenan cu no ta traha den e empresa of ofishi cual e sindicato ey ta representa, anto nos lo kier a puntra nos

SIGUI LESA PAG. 2

# TSJOMBE A JEGA CAIRO

## SIN CERTIFICADO DI BACUNA

CAIRO, - ANP- Premier Tsjombe di Congo a llega ayera na Cairo ( aunque cu nan a prohibie esey prome). E kier a assiti na e conferencia di hefe di estadonan y lider di gobierno di e paisnan no-uni. Polis militar a hibe na un kamber special di e aeropuerto despues di cual nan a sera tur entrada. E prome minister Congoles a hanja e aeropuerto casi bandona.

CAIRO, -ANP- Prome minister Tsjombe di Congo, cu ayeranchi apesar di un prohibicion di aterizahe pe avion cu cua e tabata viaha, a llega ne aeropuerto di Cairo y despues a keda hospeda den hotel Uruba Palace, lo no por dirigi su mes den libertad den e capital segun autoridadnan di Egipto.

E rason ta, cu su certificado internacional di bacuna no ta co-

recto.

Etre tanto, a resulta di un anuncio na Cairo, que embahada di Egipto na Leopoldville a worde serra provisionalmente, pa evita cada probocasion di banda di gobierno Tsjombe. Esaki sin embargo no ta nifica, cu Egipto a kibra su relasionan diplomatico cu Congo.

E conferencia di hefenan di estado di paisnan no asocia entre

tantu a cuminsa na su trabow di presidencia di president Heloe di Libanon.

Segun un boserio Argelino Ben Bella a bisa di no k'ar sinta hunto cu Tsjombe den e mesun sala Ora cu bo kier insulta un persona na Argelia, bo ta bisa que parse Tsjombe, segun Ben Bella E minister Jordanes di asuntunan exterior Toekan inmediatamente a bisa di lo bandona sala si Tsjombe wordu admitti.

Segun circulan di conferencia tambe otro delegacionan Africano y di Arabia a duna di conose e mesun opinion.

### FATUM

Pa tur bo aseguronan

Tel. 1845.



SABOR CU NUNCA TA  
VARIA

IT NEVER VARIES.

a worde acepta door di general manager di hotel senyor H. Steeber, kende a informa e directiva di U.T.H. presente cu lo studia esaki y pone su contra proposicionan ariba papel, despues di cual e lo bai Chigago, entre dia dies tres y diezcincovenidero, caminda lo e delibera cu directiva di Executives Houses Inc., tocante di e plan di C.C.T. entrega door di U.T.H. Executives Houses Inc. ta e "cadena cual a ta run varios hotelnan, entre otro Aruba Caribbean Hotel na Aruba. Unavez cu e bolbe for di Chigago, caminda e oficina mayor di E.H.I. ta establece, Senyor Steeber lo entrega su contra proposicionan na U.T.H., pa esakinan studié. Por lo tanto e fecha pa cuminsa e negociacionan a worde stipula pa dia cinco di november. Esta aki na un luna e promer deliberacion entre A.C.H. y U.T.H. lo cuminsa tocante C.C.T. proponi

SIGUI LESA PAG 2

E president di Algeria Ahmed Ben Bella, durante di su bishita na e paviljoen Rusiano riba e mercado internacional di Algeria. Na e muraya na man robez ta cologa un portret di e politico di Algeria cu premier - Chroesjstef, traha durante di e bishita di Ben Bella na Rusia cuminzamentu di aña.

## Negosacion CCT di UTH cu ACH ta cuminsa 5 nov.

ORANJESTAD, 7 Okt. - Na Aruba Caribbean Hotel Casino, ayera mainta e directiva di Union Trahadornan di Hotel bao di presidencia di senyor John Hart, a entrega nan plan di un Combenio Colectivo di Trabao pa empleadonan di Aruba Caribbean Hotel, na directiva di e hotel menciona en persona di general manager di e hotel, esta senyor Henry Steeber. Esaki a worde acepta pa estudio.



Segun e representantenan di U.T.H. mas cu cincuenta porciento di e dos cien y dieztres trahadornan na Aruba Caribbean Hotel cu por worde representa door di undi e condicionan di e management cu nan lo papia cu U.T.H. si esaki tin prueba cu nan ta representa mas cu cincuenta porciento di e miembronan, ayera mainta ayega asina leuw cu nan por a entrega un plan di un Combenio Colectivo di Trabao, consistiendo di binti seis punto en total. Esaki

## — ESCARCES DI CUMINDA — NA CUBA

HAVANA, -ANP- E ultimo simannan e procuracion di cuminda den capital Cubano a baha. E racion pa vet y comestible di zeta a bira mitar, no por compra batata y berdura ta masha schaars. Restaurantnan caro, cu ta cobra prijsnan di te mas di 40 florin tin en comparacion provincianan basta grandi ainda, pero nan no sa te ki dia esaki lo dura.

Pero toch e ultimo seis lunanan e situacion di cuminda na Cuba a sihora. Hopi teniendo kuenta cu aña pasa. E gobierno e a aki ta dispone di medionan, pa importa productonan di nutricion manera batata, carni y arroz. Pero door cu ne mercado mundial di sucu e prijsnan baha, e valuta di exterior na Cuba a bin para den un situacion

### Reorganizacion di asuntunan exterior na Hulanda

DEN HAAG, - ANP - E ministerio di asuntunan exterior conoce actualmente un oficina pa kestionnan di desarme y kestionnan internacional di paz, esaki ta un dje resultadonan dje reorganizacion cerca direccion dje organisacionnan internacional dje ministerio. E oficina pa asuntunan politico dje direccion aki a wordu cambia den oficina pa seguridad politico y internacional. E departamento ta parti den dos oficina entre otro e oficina pa asuntunan politico, di cua Conde van Limburg Stirum ta hefe y e oficina pa desarme y kestionnan internacional di paz, Drs. Terwisscha van Scheltinga ta a actua como hefe dje oficina aki.

### SITUACION MUNDIAL PROVICION CUMINDA

NEW YORK, - ANP - E organisacion di cuminda e agricultura di Nacionan Uni a yega di publica un rapport tocante e situacion mundial riba terreno di provicion di cuminda y agricultura, cu tabata riba datonan, cu tabata connosi te cu 15 di juli pasa. Esakinan no tin relacion riba e republica popular Chines dicual nan no tin statistieknan oficial, pero si riba Rusia y paisnan di Oost Europa.

E director general dje organizacion a blaha den su introduccion pe rapport: Loke ta causa preocupacion ta, cu den hopi pais di desarrollo, caminda tin mas tantu necesidad, e aumento di productionan nutritivo y agricola ta tuma luga mas poco poco qu den mundo en general.

Un punto cla ta, cu e grandura di comercio den productionan agricola a aumenta cu 4 porciento - e aumento mas grandi cu jamas a tuma luga - y cu e prijsnan a aumenta cu 10 porciento.

E prijsnan di comercio chiqui pa cuminda cu a aumenta, a laga den 74 dje 85 paisnan di cual e tin datonan, e gastunan di mantencion di bida aumenta, segun anuncia den e rapport tocante 1963/1964.

E inflacion mas lihe, cu tabatin aña pasa, tabata esun na Indonesia, caminda e prijsnan di cuminda, mescos cu e gastunan general pa mantencion di bida a bira kasi doble.

NEGOSIACION C.C.T.

CONT DI PAG 1

pa e ultimo. E lugar di deliberacion segun ta worde spera lo ta na Aruba Caribbean Hotel.

E plan di U.T.H. ta pa asina cu nan yega na un combenio cu Caribbean Hotel, nan lo ta cla pa cuminda trata un C.C.T. pa e resto di mas o menos dos cien persona cu ta trata reparti over di e varios otro hotelnan na Aruba. Pero primeramente nan kler yega na un combenio cu A.C.H.

difficil. Fidel Castro siman pasa a segura den un discurso publico, e kestion aki, ora cu a bisa cu Cubanonan meste pasa un aña mas den limitacion, di cuminda durante cual poco dje articulonnan importa aña pasa lo ta disponibel. Asina ta parse cu e Cubanonan lo bin pasa den un aña pisa.

Na un bringamento entre militarnan y mas e menos 120 guerrilleronan Indones e ultimo aki segun un bosero militar na Koetsjing tabatin perdidanan grandi.

A PUNTES EDITORIAL

CONTINUACION DI PAG. 1

mes, kiko senyor Maduro ta haci den e directivadi U.E.A. y V.P.A. y A.C.V. Nos mester comprende di esaki cu senyor Maduro awendia ta haci e ofishi, di electricien, trahadornan na haaf y chauffeur? Loke nos kler muestra claramente cu e articulo aki no ta cu nos tin preferencia pa senyor Hart of su sindicato. Cual sindicato cu ta trata pa na manera honrado y den un lucha honesto y di buena fe, bringa pa su miembronan, continuamente por conta cu nos sympatia y cooperacion. Pero si nos kler muestra cu e articulo aki ariba e manera incorrecto cu Amigoe ta ataka y insulta e hendenan cu e diario aki no ta hanja sympatico. Tal politica redacional di un diario ta algo cu nos ta lamenta masha.

## UN GANGA

...Solamente

Fl. 4,95



Sapatonan cu hilchi mediano, cual cada biaha lo bobisti cu gusto, y camna na bo smaak. Den color blanco of preto.

**HARTOG**

NASSAUSTRAAT: 99.

## ARUBAANSE COURANT

TA BUSCA

Hefe departamento di anuncio

UN TRABAO INTERESANTE Y YEN DI VARIACION  
- CU UN BON SALARIO -

YAMA TEL: 1116-2116

**Tambe La Esperanza:  
40 ora**

ORANJESTAD, 7 okt. - Dialuna ultimo senyor Eulogio Wever, presidente director di supermarketonan La Esperanza a informa su personal cu e empresa en-

trante diamars ultimo dia seis di oktober 1964 lo cuminsa traha cuarenta ora pa siman. E cuarenta oranan lo ta reparti over di seis dia.

**F. Groeneveldt ta gana  
premio AIS**

SAN NICOLAS, 7 okt. Ultimamente senyor F. E. Groeneveldt di San Nicolas, un persona conoci den e movecion di credit Union na nos isla a gana un premio di American Information Service, door di tuma parti na un programa especial via di Voice of America. E emisora aki cual ta transmiti e programa di American Information Service, tur diamars y diasabra anochi, ta wordu scucha na casi tur parti di mundo por haci preguntanan na e programa aki, tocante asuntunan tipico di Merca. Nan ta ricibi asina hopi pregunta, cu un seleccion ta worde haci y esnan cu hanja

contesta ariba nan pregunta ta hanja alavez un regalo di A. I. S. Senyor Groeneveldt di Aruba pues ultimamente a haci entre otro e pregunta na American Information Service via Voice of America, si e miembronan di e partinan politico na Merca tin di paga contribucionan of no. El a worde contesta cu e miembro no ta paga contribucion, pero banketanan grandi ta worde teni pa hanja fondo pa campanja di e partida. Pa esaki senyor Groeneveldt a ricibi e buki titula "The American Heritage Book of Natural Wonders". Su historia etc.



NOTICIA DAMDAM

di

**La Gran Bodega**



**"No ta secreto... BACANAN TA  
LOCO CU PURINA BULKY-LAS"**

Masha doeshi, y rico na mineral, Purina Bulky-Las tin hopi "cow appeal" ..... nan stimé.

E mescla famoso aki ta stropi, maishi, harinja alfafa, y rooibiet mulá, e ta un producto popular. I hopi hende cu ta cria baca ta bisa no tin nada compara coe Bulky-Las. Bulky-Las ta un coeminda efectivo pa bacanan secu. Hopi hende cu ta cria baca ta prefera doena nan baca Purina Bulky-Las pa produci más lechi.

*E proximo biaha cu bo ta den toko pidi  
Bulky-Las.*

**JABON HENO DE PRAVIA**

exquisita fragancia 45 ct. pastilla grandi.

**JABON FLORES DEL CAMPO**

intensamente perfumá 25 ct. pastilla grandi. Di venta na bo BOTICA of SUPERMERCADO favorito.

## ASTMA & BRONCHITIS

Moelijk ademhalen, luchten, proesten en kortademigheid, te wijten aan herhaalde aanvallen van bronchiale astma en bronchitis, kunt u snel en gemakkelijk bestrijden met versterkte MENDACO. Helpt u snel als u ergens allergisch voor bent, ontspant de luchtpijpen en helpt het dikke en verstikkende slijm zich te verwijderen. Gewoonlijk vergemakkelijkt het 't ademhalen snel, bedaart het 't hoesten en doet u uiteraard beter slapen. MENDACO is verkrijgbaar in de botica. Het kan U ook helpen!

E ultimo creacion den

**LINGERIE**



\* sombra mitar y completo  
\* panties  
\* brassiere  
\* corset  
\* Baby-dolls  
\* Pyama, japon etc.

bo ta hanja di mehor calidad, den tur prijs y tur tamanjo na

**LA LINDA**



**INIGUALABLE.....  
„RED (sweet)  
BIANCO (white sweet)  
AND DRY..**

Un mision economico Chileno a sali pa Europa, pa averigua opinion di varios gobiernu tocante un eventual deliberacionnan nobo tocante e debe di exterior di Chili. E mision forma pa president Frei ta bow di direccion di Gabriel Valdes. Un mesun grupo lo sali pronto pa Merca.



## Precaucion militar na Cordoba pa De Gaulle

Cordoba, Argentina, -- UPI -- Un area grandi qu ta situá rond di e aeropuerto, di e ciudadaki a worde declará "zona militar" ayera nochí debí na qu e presidente frances, Charles de Gaulle, lo mester yega den un blaje pa Asuncion, Paraguay. Polisnan provincial y trupanen federal a ser concentrá aki nan pa impedi cuakier manifestacion di e partidarianan di e ex-dictador exilá Juan Domingo Peron.

Tres batería, antiaerea, 15 avion jet y un helikopter armá cu cañonnan "a sigurá di qu ningun avion den un vuelo ilegal lo por tira pamfletan of cuakier otro objeto riba e aeropuerto," segun nana anuncia extraoficialmente. Ademas mas o menos 10 avion jet di forsa aerea argentina lo a escoltá e aparato cu De Gaulle

a bordo.

Partidarianan di e ex-presidente Peron tabatin chokenan cu polisnan durante e bishita di De Gaulle na Buenos Aires, mientras qu nan tabata trata na efectua un manifestacion, den cual nan lo a vinculá imagen di e presidente bishitante cu esun di e dictador exilá.

E peronistanan ta sostené qu "independencia" di De Gaulle arte Moscu y Washington ta similar ne di "tres posicion" di neutralidad di e política exterior di Peron. Peron, quende a mantene Argentina neutral ta solamente algun siman prome qu fin di segunda guerra mundial, a worde expulsá di poder pe militarnan na aña 1955 y a wor aki e ta biba na España.

Segun fuentenan informá, a declara, loque a falla na e aparato di aterrizaje, tabata e indicador di lus riba switch board di e piloto.

Entre epasaheronan, tabatin director di cine argentino Julio Demicheli.

## CASTRISTANAN DETENE

CARACAS, - ANP- na Central Caracas 12 homber cu ta ser acusa di a ehecuta atakenan pe organisacion ilegal pro Castro, a worde cohe presu, segun anuncia foi capital Venezolano.

## AVION NO POR A BAH

Madrid, UPI -- Un avion Caravella di Lineas Areas Españoles Iberia, cu 71 persona a bordo, a keda dal buelta rond di e aeropuerto di Barajas durante mas qu un ora y mei ayera nochí, debido na qu e piloto a kere qu tabatin un desperfecto den e aparato di aterrizaje.

Un pader qu tabata a bordo di e avion a dirigi e resamentu huntu cu e pasaheronan, segun tempu tabata pasando. E avion despues a bini baha sin particularidad promer qu mei anochi.

## MERCA A INVENTA UN MOTOR ESPACIAL NOBO

Pasadena, California, - UPI - Forsa Aerea a anunciá qu recientemente nan a test, pa di prome blaha, un motor ionico, di e tipo qu lo por propulsá futuro navenan interestelar den blajenan den profundo di espacio cosmico. E cohetenan ionico, qu ta usa cesio como combustible, por propulsá vehiculonan espacial riba

distancianan enorme na velocidadnan di te hasta 160.000 kilometer pa ora. Su consumo poco di combustible lo por hasi expedicionnan sideral te hasta di cinco aña di duracion, cu mastantu capacidad di carga.

Un vocero di aviacion a revelá

## VOCERO CONGOLES TA DESMENTI PRETEXTO

Bruselas, --UPI-- Un vocero di gobièrno congoles a declara ayera na e capital aki qu nan no a permiti e promer minister di Congo Moise Tshombe aterrizaje na aeropuerto di El Cairo, pa via qu e no tabatin visa pa drenta Republica Arabe Unida.

E portavoz, Emmanuel Sinda, a declara qu e motibunan di indole tecnica qu nan a presenta pa evita qu e avion di Tshombe lo a aterrizaje na El Cairo, no tabata mas qu un pretexto.

Ayera e promer minister a sali di Leopoldville sin visa, despues qu e embahador di R.A.U. na su país a sigurele di qu tur lo ser arregla na El Cairo.

Na momento qu Sinda a hasi e declaracion aki, el a bisa qu Tshombe ta na Atenas. E tin e visa necesario y awe (ayera) nochí lo e bai El Cairo.

Sinda, quende na Leopoldville ta director di informacion y quende a yega Bruselas siman pasá, a declara qu Congo, den su condicion di nacion no alineá, tin e deber di asisti na e conferencia di El Cairo.

El a sigurá qu e guerra civil lo a caba den su país for di basta tempu, si no tabata pa e influencia sinistra di estranheronan qu ta apoya e rebeldenan, quendenan di ningun manera ta representa pueblo.

Ademas el a denuncia e comision especial qu ta ser formá pa e conferencia di ministernan di Relaciones Exterior di Addis A-

beba, pa promove e reconciliacion nacional na Congo, y el a declara qu e comision aki ta meste den asuntunan interno di Congo.

El a declara qu e comision no tin derecho di pidi pa interrumpli e ayuda norteamericana, pasobra gobièrno congoles tin e derecho soberano di mantene vinculonnan di amistad cu otro potencianan.

## DAM DEN JORDAN

TEL AVIV, ANP- E prome fase dje plan Arabe pa explotacion dje awa di riu Jordan y su brazanan a cuminsa ayera cu un seremonia cerca di Al Adasiah, na mas o menos 130 km na noord dje capital Amman. E vice president dje conseho Jordanes di desarollo a bisa den su discurso di inauguracion, cue plan Arabe, pa construi e dam - Mokhei den Jarmul y pone e awanan foi fuentenan Arabe bow di control den prome luga tin como fin pa salba e país, cu lo wordu danja pa tumamentu den posicion dje parti mas grandi dje awa di Jordan door di Israel.

Polis di Bel Horizonte na Brasil a bisa di a aresta e homber cu siman pasa a tira ex president Abid El Sjissjaki di Cypria na Ceres. E cadaver dje ex-mandatario di Syrila a wordu tene na Rio de Janeiro y lo wordu manda despues pa Damasco.

E favorito di tur cocinero experto naturalmente ta

## Catsup del Monte



E UNICO MARCA DI CATSUP CU TA WORDU CUIDADO-SAMENTE PREPARA Y ELABORA CU TOMATINAN FRESCO..... SABROSO.... YEN DI VITAMINA..... mezcla cu vinager di anasa.

Duna bo cuminda e sabor delicioso, diferente y unico cu..

## Catsup del Monte

agente pa Aruba

## POSNER'S AGENCIES

Wilhelminastraat 68 - tel. 1490.



**BOXEO**

**Sugar Boy Nando**  
(Campion di Antillas)

**WILHELMINA STADION**

**DIABIERNE OCT. 9 '64**

**8:30 P.M.**

**PELEA OFICIAL**

**15 Rounds**

Pa e titulo di Antillas  
den peso mediano.



**BOXEO**

**Jack Johnson**  
(Retador No. 1)  
(Corsow)

## NOTICIA DI POLIS

ORANJESTAD, 7 Okt. - Dialuna a worde avisa for di Caba Lodo cu na un tienda ayanan un robo a worde cometi. A resulta cu esun of esunan cu a drenta e lugar a bai cu un suma di cinco florin na placa chikito. Recherche ta trahando duro ariba e investigacion.

den un conferencia di prensa que cohetes ionico a ser dispará cu exito for di e base Vandenberg di Forso Area den un trayectoria di 2,500 kilometer den Oceano Pacifico, den un cielo qu a demorá 30 minuut.

E portavoz mayor general Ben L. Funke, hefe di e division di sistemanan espacial di e comando di sistemanan di forsa aerea, tambe a declara qu e machin ionica lo ta combiná cu e reactor nuclear "snap-10A", di e comision di energia atomico y lansa for di Vandenberg proximo primavera den un proyectil impulsor "Atlas SLV-3."

## Superior general di jesuitanan a muri

Ciudad del Vaticano, -- UPI -- E superior di e orden religiosa catolica mas influyente y numeroso, esun di Jesuitanan, a muri ayera na Roma na edad di 74 aña.

Ta trata di e pader belga Jean Baptiste Janssens, general di e orden for di 1946, quende a sufrí un tromboisis cerebral dia 30 di september ultimo.

For di e dia el e keda semiparalitico, te qu ayera mardugá a presenta complicacionnan cardiaco y ela falece.

Janssens tabatin un experiencia eclesiastica masha grandi y el a viaha di Constantinopel te Congo. E tabata experto den islamismo oriental y idiomonan eslava, locual tabata un conocimiento masha ventahoso pa e lider di un orden, entre cual obhetivonan ta figura conversion na Rusia.

E cantidad di miembronan di e orden a aumenta di binti ocho mil pa trinta y seis mil bao di e mando di Janssens. Solamente cuater rama Franciscana combiná ta aventaha e numero di jesuitanan. E orden, qu a ser fundá na 1534 pa e spaño Ignacio de Loyola tabata obheto di masha tantu controversia y ataquenan pa nan intervencionnan den bida civil.

Na varios país nan ta prohibi di practica.

E jesuitanan, qu ta bisti habito pretu, tin den nan filanan algun di e teologonan y sociologonan mas importante di Iglesia.

E orden cual su lema tabata antes di sirbi y obedecer "manera un cadaver", ta dirigi e universi-

dad Pontifical Gregoriana di Roma, mescos tambe varios seminario y schoolnan pa alumnonan laiso.

Nan hefe ta na disposicion di Papa pa cualquier tarea qu ta necesario. Nan misionnan ta cubri diferente territorio den mundu.

Fuentenan di Vaticano ta asegura qu lo pasa luna promer qu nan eligi su sucesor. Pa eligi e sucesor aki, e jesuitanan lo designa representantenan "provincial" na un reunion general na Roma, qu lo selecciona e general nobo.

Janssens a conserva su tinu durante henter e enfermedad. Despues di un mehorla leve, e complicacionnan a surgi ayera mainta y ora qu Papa Paulo VI

## DIRECTIVA DI AUTORAMA MOTOR COMPANY N.V.

TA PARTICIPA SU CLIENTELA CU

## Señor Herbert Schnog

NO TA DEN SERVICIO MAS DI E COMPANIA.  
6 DI OKTOBER 1964.



# Inglaterra y Merca ta sperando contesta ruso riba nan protesta

Londres, -- UPI -- Merca y Gran Bretaña a protesta energicamente cerca Union Sovietica pa ocupacion di habitacionnan di cuater agregado diplomatico, ocupacion qu a ser hibá a cabo pa agentenan di servicio secreto. E informacion a ser duná di conoce ayera pa Minister di Relacionnan Exterior di Inglatera.

E agregadonan afectá pa e caso aki ta e agregado di ehército norteamericano Coronel Aubrey, e asistente di e agregado aereo norteamericano mayor Smith, e comandante Laville, asistente di e agregado naval británico y coronel Liewer, asistente di e agregado di ehército mericano. E incidente a tuma lugar den anochi di 28 pa 29 di september na ciudad di Khabarovsk, na Siberia.

E anuncio ta bisa qu tan pronto qu e respectivo gobiernonan a haña noticia di e hecho, nan a aplica e protesta correspondiente.

Actualmente nan ta considerando di adopta medidanan similar pa cu agregadonan militar ruso na Merca e Inglatera.

Moscu, -- UPI -- Merca e Inglatera ta warda e contesta ruso riba nan protestanan contra e registro qu cuater agregado militar a worde somete na, durante un reciente biaje door di Siberia.

E funcionario di e ministerio ruso di relacionnan exterior quende a ricibi e protesta ingles a priminti na duna respuesta despues di un investigacion, segun un vocero di e representacion ingles a bisa ayera nochi. Sin embargo, den casonan anterior y similar cu agregadonan militar norteamericano y ingles, quendenan aparentemente a worde narcotisa, atacá pa multitudnan y detene, e protestanan oficial aliá no a haña ningun contesta di e sovieticonan.

E ultimo incidente a tuma lugar den e ciudad ruso oriental Khabarovsk, riba e anochi di dia 28 y 29 di september ultimo. Nan tabata protagonistanan di e

tres norteamericanonan y un británico.

## AWE DE GAULLE TA YEGA PARAGUAY

Asuncion, -- UPI -- Gobierno paraguayano awe a trese miles di su partidarijonan pe capital aki pa proporcioná un bonbini cayente ne presidente frances, general Charles de Gaulle, den e di ocho etapa di su biaje door di Sur-America. E avion "Caravelle" jet di presidente De Gaulle, mester yega e capital aki awe tardi, for di Cordoba, Argentina. Habitantenan di interior di e pais, quendenan a ser yamá pe partido di e presidente, Alfredo Stroessner, a yega den convooi, truck y te hasta riba buricunan, pa duna e hefe di estado europeo un bonbini. Por cierto e prome magistrado frances te prome qu ta bishita e capital estilo colonial aki.

Estado a declará liber oficial durante e 40 oranan qu e bishita di De Gaulle lo dura.

E bandera di tres color frances di bandanan vertical, y esun paraguayano cu e mesun colornan, corrá, blancu y blauw, aunke di bandanan horizontal, por a ser mirá riba portanan, palunan di telefon y cologá den e ciudad di edificio pa edificio. Ayera un grupo grandi di obreronan a pone cartelnan cu portretnan di De Gaulle y Stroessner, riba tur murayanan di e ciudad.

Cu un temperatura di 28.6 grado 5,000 solda ayera a ensayá e desfile qu nan mester realisá diarason na honor di De Gaulle, den un avenida bloqueá.

## LIFE ta apoya Johnson

New York, -- UPI -- E revista Life a anuncia di lo duna su apoyo ne presidente Lyndon B. Johnson den e proximo eleccionnan presidencial. E revista ta pertenece ne compania editora Time, Inc. y esaki ta di prome biaha qu un di e publicacionnan di tal editorial a apoyá un formula di Partido Demócrata na un manera específicamente.

E presidente di e junta editorial di Life ta Henry R. Luce. Su esposa, Clare Booth Luce, ta integrá un "Comité nacional" qu ta apoyá senador Barry Goldwater, candidato republicano y oponente di Johnson.

E apoyo di Life a bini compañía cu e declaracion di qu Johnson a demostrá un capacidad tremendo

E diplomaticonan ta afirma qu funcionarionan ruso a penetra den kambanan di e hotel, e impediendo nan lanta for di nan cama, a registra tur nan posesionnan y equipaje, apoderando nan mes di nan camaranan, film-

## PLAN PA REFORMA

BRASILIA, - ANP- President Branco di Brasil ayera a anuncia un programa di reforma agraria, caminda e gobierno ta hanja derechi di confisca terreno pa reparti esaki den interes dje struc-

## RUSIA TA ADMITI REGISTRO

Moscu, -- UPI -- Rusia awe a admiti di a practica un registro den e kambanan di un agregado militar ingles y tres norteamericano, pero a bisa qu e medida a ser tuma pasobra hendenan aki tabata dedica nan mes na spionaje durante di nan biaje door di Union Sovietica.

E ministerio ruso di relacionnan exterior, den notanan qu a ser mandá pe embahadanan di Merca e Inglatera, a rechasa e respectivo protestanan pe registro qu a worde practica riba un anochi luna pasá pa parti di agentenan ruso den kamban di e diplomaticonan den un hotel di Khabarovsk, den un parti este di Union Sovietica.

Den un contraprotesta e ministerio ta acusa e diplomaticonan aliá en cuestion di spionaje y ta previni qu cada un di nan lo

pone su figura pa presidencia. E editorial ta agregá qu Johnson a demostrá di ta "un bon prome mandatario pa Merca."

Despues e ta critica e forma den cual Goldwater ta librando su campaña convirtiendo su mes den e tema principal di tur su discursonan y ta bisa qu "nos ta kere qu ta mas util si e keda senador."

E puesto di Luce como presidente di e junta editorial di e revista tin un caracter asesoria. Na april ultimo ela retira como editor en hefe di tur e publicacionnan di Time Inc.

For di e epoca qu Luce a funda Life, na año 1936, y te pa 1960, incluso, e revista a duna su apoyo na tur e candidatonan republicano.

nan y te hasta un radio transistor, a pesar di e objeccion di e agregadonan.

E voceronan ingles y norteamericano ayera nochi a nenga na duna nan opinion riba si qu nan lo tuma un que otro medida di represalia pe trato di e agregadonan aliá.

tura social. Te intension, cu un nivel agraria lo worde crea, y ke terrenonan grandi cu no ta produci nada lo wordu parti.

E plan a ser stipula apesar dje resistencia dje lidernan conservativo dje partido nacional democrático di unidad.

E programa ta companja pa un cambio constitucional cu lo haci posibel pa gobierno di duna donjonan di terrenonan despropia pago di danjo cu obligacionnan di estado, cu por wordu paga den por lo menos 20 año, qu e stipulacion, cu nan lo hanja compensacion den caso di devaluacion dje unidad nacional di moneda. Ta ser spera, cu e programa aki un par di dia lo worde manda congreso.

por worde declará persona no grata y expulsando nan for di Rusia.

E agregador militar, quendenan actualmente ta na Tokio, a bisa qu e agentenan ruso a dreña den nan kambanan riba e anochi di 28 y 29 di september, registrando nan equipajenan y a confisca camaranan, film y un radio transistor.

## TIROTEO DURANTE BISHITA DE GAULLE

CORDOBA, Argentina - UPI -- Awe mainta tabatin un tiroteo dilanti di e palacio di Husticia di e ciudad aki, capital di e provincia, ora qu polisnan tabata trata di controla peronistanan qu a reuni pa duna bienvenida na presidente di Francia, Charles de Gaulle.

Te na e momento aki ta conoci qu tin varios persona heridá. E tiroteo tabata breve pero intenso. Tanto polisnan como e peronistanan a tira riba otro. E tiramentu a tuma lugar despues qu e peronistanan a ataca polisnan cu piedra. Varios ambulance a yega rapidamente na Plaza Sobremonte, dilanti di e palacio di Husticia y nan a mira algun persona ser transporta den e ambulance.

Refuerzonan policial a ser hibá den truck pa e Plaza, qu tabata fuertemente custodiá. De Gaulle y presidente di Argentina,

Arturo Illia, mester a gasta almuerzo den e palacio di Husticia, pero na momento qu e tiroteo a tuma lugar, nan tabata na un lugar leeuw for

## BIBA MEHOR CU ELECTRICIDAD

tor cu mainta trempa

te anochi laat REDDY

ta na bo servicio.



## CRISIS NA ECUADOR

GUAYAQUIL - ANP - Na Guayaquil, capital dje provincia Guayas situa na Ecuador, ayera autoridadhan provincial y e gobernador militar a llega na un acuerdo pa termina un crisis como consecuencia di medidanan nobo di belasting. 10 persona aresta entre quende ex-president Camilo Ponce Enriquez, lo keda den libertad.

di e plaza, inspeccionando un fabrica di automobil. Anteriormente, polisnan a amenaza e hendenan cu nan pistol

y cachonan especialmente entrená, ora qu e peronistanan a trata di stroba De Gaulle di dreña e sede central di Confederacion di Trahadornan.

E peronistanan kier a provoca detencion di e presidente fran

ces, pa nan aclamele, ya qu nan ta di opinion qu e doctrina di "Tercera Fuerza" qu ta ser propagá pa De Gaulle ta casi mescos qu e "tercer posicion" qu na su turno a ser proclama pa e ex dictador Juan Peron durante su gobierno. E antiperonistanan, en cambio ta bisa qu Peron tabata enemigo natural di De Gaulle y di e causa aliá durante guerra y qu el a mantene Argentina neutral te durante e ultimo simannan di segunda guerra mundial.

## CHROESJEF: TA NOS A YUDA CHINA

TOKIO, - ANP - Segun un boso-ro dje ministerio Japonés di asuntunan exterior a anuncia ayera, e prome minister Sovietico a bisa den un conversacion cu e ex-minister Japonés di asuntunan exterior Fujiyama, cu e ayudo cu Rusia a duna te na 1960 na China riba terreno nuclear, a haci posibel pa China, pa haci pruebanan cu un bom nuclear.

## Miles di bishitante pa "SAVANNAH"

ROTTERDAM, - ANP - Den ultimo cuater dianan 50,823 bishitante a bai bordo di e bapor nuclear Mericano "Savannah", cu ta mara na Parkkade na Rotterdam.

Esaki ta pa e gira door di Europa cu e bapor ta haciendo un record.

Na Hamburg tabatin 49,919 bishitante. E bapor a sali ayera marduga for di Rotterdam, despues di un bishita di seis dia na Antwerpen y Le Havre e bapor lo sigui pa Merca.

## CONCENTRACION POLICIAL Y MILITAR

## PA PROTEGE DE GAULLE Y COMITIVA

Cordoba, Argentina -- UPI -- Polisnan provincial trupanen federal y lidernan obrero peronista di Buenos Aires awe a concentrá nan mes aki pa nan duna e presidente di Francia, general Charles de Gaulle, un bon bini. E bishitante lo keda solamente 5 ora den e ciudad aki, den un biaje pa Paraguay, pa bishitá e fabrica di autonan Kaiser.

Presidente Arturo Illia, a yega e ciudad aki den avion un ratu prome qu De Gaulle pa asisti ne ceremonianan di despedida na e illustre bishitante. De Gaulle lo termina su bishita oficial na

Argentina den e centro di industria pisa di mas o menos 1,200,000 habitante.

Awe De Gaulle lo cuminsa su bishita na Paraguay, qu ta e di ocho pais di su "grand tour" di

36,000 kilometer door di Sud-america destiná na promové panlatinismo, qu ta e "ditres forsa" y pa demostrá e resistencia fisico di e heroe di segunda guerra mundial na 73 año di edad, cu bista riba su reeleccion di 1965. Na Cordoba, 720 kilometer noroeste di Buenos Aires, De Gaulle lo ser hibá pe fabrica Kreiser den un "jeep" especialmente adaptá pa su estatura haltu.

Casa Renault ta poco mas di un 7 por ciento di e enorme fabrica Kaiser. E empresanan Kaiser ta posee 29 por ciento, American Motors Corporation 4 por ciento, varios organismo di Gobierno Argentino 16 por ciento, y e resto di e accionnan comunta den mannan di e capitalistanan argentino privá.

45 tecniconan norteamericano y 11 frances ta fiscalisá e fabrica

qu tin un total di 9,300 persona empleá. E dirigentenan obrero

peronista di e capital, hopi di cual a yuda na dirigi e manifestacion di bonbini di De Gaulle diasabra ultimo, qu a resulta den un desorden den cual nan tabata re-

clamá regreso di e ex-dictador Juan D. Peron, a yega aki nan ayera nochi.

E organizacion local di e confederacion general di trabao -- qu ta domina pe peronistanan -- a hasi un yamamentu nesnan qu ta liber pa reuni ne plaza sobremonte, dilanti e palacio di husticia, pa aclamá De Gaulle. E presidente frances lo come den e palacio di husticia cu Illia y gobernador provincial, Justa Paez Molina. E peronista ta compara e "tercer forsa" di De Gaulle, bloque mundial independiente di Washington y Moscu, cu "neutralidad" di Peron durante segunda guerra mundial.

Como consecuencia di qu nan a informá qu Peron ta bolbe bek, y qu lo por trese dificultadnan, 1,400 polis provincial y 1,200 solda federal ta aki nan pa impedi un repeticion di e disturbionan peronista di diasabra ultimo den cual 40 persona a resultá heridá y 25 detené.



# PAISNAN LATINOAMERICANO TA YEGANDO TOKYO

Tokyo, -- UPI -- Casi extenua a biahenan larguisimo y penoso, atletanan latinoamericano cu a tuma parti den e di XVIII weganan olimpico ta continuayeando den gruponan chikitu na e capital hapones, y sin tardansa cuminsa cu entretamentunan necesario pa competi contra e guranan grandi di e deporte mundial, cu lo cuminsa dia-domingo proximo.

Te cu 11'or di mainta 415 deportista latinoamericano a yega ciudad Yoyogi.

delegacionnan di Argentina, Brasil, Chile, Cuba y Uruguay ta completo y pa diarason tardí e delegacionnan di Colombia y Peru.

bandera cubano a worde hisa yera tardi den e villa olimpica, hendo e segundo latinoamericano cu ta bula den e ciudad olimpica di mundo deportivo. E prome tabata e brasileña cu a ser hisa dos dia pasá. Awe snan di Argentina y Uruguay a worde hisa manera a worde informa pa delegadonan di e paisnan aki.

## NASSER A INAUGURA CONFERENCIA

CAIRO, ANP- President di republica Arabe Uni ayera a inaugura e conferencia di paisnan no compromete na Cairo despues cu nan a tuma un minut di silencio en memoria di esnan cu a caiden e lucha pa libertad. President Nasser, paplando den Arabe, a yama e delegadonan bonbini y a declara, cu e conferencia aqui ta un di un serie di interes internacional - cu a cuminsa cu e conferencia na Cairo y despues a worde continua cu esun na Bandoeng, Belgrado y Addis Abeba.

E paisnan no compromete te haci esfuerso pa paz, basa riba husticia. E intento aqui no a worde alcanza ainda, asina Nasser a bisa. Pero tur ta comprende awor cu humanidad por sigi solamente entre pas y suicidio. E president di Egypto a declara ademas, cu imperialismo mester worde destrui den tur normanan. El a bisa cu esaki ta un elemento explosivo ainda.

E diferencia entre standard di vida di e paisnan desarolla y esnan menos desarolla ta hopi grandi ainda. Nos ta pidi husticia den un mundu cu ta biraando mas y mas uni, asina Nasser a bisa.

Nasser a participa, na ocasion di inauguracion di e conferencia cu el a haya mensajenan di Chroestsjow, president Johnson y secretario general Oe Thant di Naciones Uni.

## LADRONICIA INDONES

KOEALA LOEMPOER, - ANP - Piscadornan Malasiano a identifica un bapor stranhero cu di sabra pasa a hortanan di nan bapornan y equipo di un balor di 80.000 florin, como un bapor di guerra di marina Indones. E identificacion a tuma luga por medio di silhouetanan di bapornan Indones. cu polis mustranan.

Na port Swettenham nan a anuncia, que bapor tabata masha grandi y tabatin tres canon. Segun nan declaracion nan tabata pesca den awanan internacional den estrecho di Malakka qun flota di 40 bapor di guerra a acerca. Il bapor a logra scapa.

E bapor di guerra a tira cu armanan chiqui ribanan piscador a worde tuma abordo di bapor di guerra pero 43 di nan a worde laga den libertad 12 ora despues, den 4 di nan bapornan. E 12 otro hombernan no a regresa ainda.

E chilennonan a yega anochi y despues di algun ora di descanso a cuminsa cu entrenamentunan leve.

E observacion general di e latinoamericanonan ta gira en torno di cansancio produci pa e blahefor di e paisnan mas leeuw di mundu.

8 mil deportista di 98 nacion ta integra un gran familia den e villa olimpica di e ciudad aki caminda nan lo biba durante e weganan olimpico.

E villa ta un ciudad chikito cu ta conta cu un hospital, centro comercial, tres restaurant, un teatro, servicio di convoi y un cas internacional caminda tin baile y custumbenan hapones.

Den e centro aki tin mei dozijn di television, pero loke mas

tantu ta yama atencion ta e interes di e deportistanan sovietico, despues di a mira un partido di beisbol entre hungadornan hapones cu ta trata di un wegalo. Algun fabrica di baskel hapones a pone diferente baskel disponibel na e villa aki. Tur caminda bo por haña baskel y e cos mas normal ta bo ta subi uno bai caminda bo kier lagele para. Den e centro aki bo ta haña e piscina mas moderno di mundu. Esaki a worde diseña pa e arquitecto hapones Tange, cu ta di fama internacional. E tin un dak di suspension cu ta duna e lugar un apariencia di un catedral, asina haltu cu e competidornan tin e sensacion di ta na aire liber. Tin capacidad pa 13.000 espectador.



SUERTE -- E miss hapones aki ta un di esnan cu suerte, ya cu e lo mira weganan olimpico. Mientras cu lo tin mas o menos 30 pa 40 mil bishitante solamente un por ciento di nan lo ricibi kaarchinan mas di 500 dollar pa un di e mihor asientonnan.

## HUIDA DI ALEMANNAN

BERLIN, - ANP - Entre diasabra y awe mas di 57 Aleman a logra hui Berlin Occidental via un tunela, segun servicio di seguridad di Berlin Occidental a participa. E ultimo grupo di en total 23 homber, e muher y tres mucha ayera mainta a alcanza safe occidente.

E tunela, cu ta sali di un cas riba teritorio di Alemania oriental pe sector Frances di Berlin occidental, a wordu descubri ayeranochi pa guardianan di frontera di Alemania Oriental. Un dje Berlinesnan oriental durante su huida a keda levemente herida. Na un otro luga seis otro Aleman a logra alcanza occidente safe.

E agencia di prensa di Alemania oriental "ADN" a anuncia awe, cu ayeranochi agentenan di Berlin occidental, cu a llega e parti dje ciudad aki door di a pasa den un tunela bow dje muraja, a tira un guardia di frontera di Alemania oriental mata. Den e noticia a ser bisa, cu e

tunela aki a wordu caba cu permit y apoyo activo di polis di Berlin occidental.

## TRANSMISION DE LA SERIE MUNDIAL HOY!



1.15 P.M.

Una presentación de la  
Cabalgata Deportiva Gillette  
a través de

RADIO KELKBOOM

## Morocho Hernandez a KO Kenny Lane

Maracaibo, -- UPI -- E boxdo venezolano Carlos "Morocho" Hernandez ayera noch pa KO den segundo round a derrota e peso welter norteamericano Kenny Lane den un encuentro stipula pa dies round y cu a worde efectua na e ciudad aki. Kenny Lane tabata mustra masha debil na su planan for di cuminsamentu di e pelea. Den e prome round Hernandez a tumbele tres biaha cu golpinan fuerte di derecho y izquierda. Den e segundo y ultimo round Hernandez a tumba e norteamericano pa e conteo definitivo.

20 Ocupante di un bus, cu a regresa dje luga Belgo di peregrinacion Banneux, pa Alemania Occidental, a keda herida ayera ora cu e bus a dal na Aken contra un truck. 4 dje 20 pasahero, tur ta muhernan a hanja heridanan serio. Tambe e chauffeur a hanja heridanan serio.

E encuentro a realisa den Estadio Olimpico di Maracaibo cu un gran concurrencia cu a laga un total di 100.000 mil bolivar na entrada loke ta igual na 22.000 dollar. Hernandez a subi ring pisando 137 liber (63,7 kilo) contra 139 (65,499 di su adversario).

## BETO A GANA ARNAL

Panama -- UPI -- E campeón di peso gallo Camy Beto a derrota e campeón venezolano Manuel Arnal pa punto den un pelea di dies round, cual a worde celebrá antayera noch den Gimnasio Local. Tur e dos boxdonan tabatin e mesun un peso di 53,853 kilo. Den e mesun programa e peso pluma Antonio Amaya a derrota e venezolano Juan Concepcion den un pelea concertana dies round. E boxdo venezolano a ricibi algun corta na su frente den e pelea contra Camy Beto.

Caballero bo a purba cigarra **CABALLERO** caba??

Bo cigarra preferi mester ta **CABALLERO!!**

**CABALLERO**

un satisfaccion

inigualá



Cu filter.....

of sin filter.....

un sabor verdadero.....

Si Caballero.....sigi huma **CABALLERO**  
warda tur paki bashi.....nan tin hopi valor

AGENTE:

**LICORES ARUBA N.V.**



# Francia kier realisa gran transaccion comercial cu Rusia

Paris, -- UPI -- Expertonan comercial frances, qu ta vigila e negociacionnan comercial in-tranquilamente riba e asunto di e canal de la Mancha, a ricibi un delegacion ruso qu mester di machin y hermentnan y credito-nan di un plazo largu pa pagelo. Alexis Majoulo, director general di e ministerio di comercio exterior di Rusia, ta encabesa e delegacion qu a yega ayera y lo cuminsa cu nan reunion cu e funcionarionan frances. Nan ta kere qu e conversacionnan lo dura varios siman y qu for di esakinan un acuerdo di cinco aña por sali.

Den circulonan comercial frances nan ta bisa qu Francia lo tra-

ta na logra un acuerdo qu lo permitiele na vende cos cu Rusia. Machinan, di un balor di 400 millon dollar, por cierto, durante e temporada ey. Industria frances di e maquinaria pisa ta pasando actualmente un mal momento. E posibel convenio aki lo duplica e monto di e operacionnan qu ta compronde den un acuerdo bilateral qu a bira efectivo dia prome di januari ultimo. Te ne momentonan aki e ordenan di compra di Rusia ta suma 47 millon dollar.

E francesnan ta kere qu esaki ta debi na qu Moscu lo pasa den escasez di placa extranjeru pa un momento. Nan ta kere qu Francia ta dispuesto na duna

creditanan di plazonan superior di e cinco añanan qu a ser pone door di e resolucion di Berna. Mayoria di e paisnan industrial a bai den un convenio di e plazo di 5 aña varios aña pasa y si Merca no ta signatario di e convenio aki, e banco di importacion y exportacion, si tesey. E ministro di relacionnan exterior di Francia, Maurice Cou-

## Johnson a core den auto qu

### Kennedy a ser asesina

Washington, -- UPI -- Presidente Lyndon Johnson, ayera pa di prome biaha a usa e auto presidencial den cual John F. Kennedy tabata biaha, ora qu ela worde asesina na Dallas, Texas. Pero nan ta kere qu 90 por ciento di e partinan di e vehiculo ta nobo. Johnson a biaha den e auto remodela compana pe presidente di Filipinas, Diosdado Macapagal, den un biaje for di Casa Blanca pe parti centrica di e capital aki. George E. Reedy secretario di prensa di Casa Blanca, a informa qu e capa di plastic transparente y e glasnan di e auto ta ofrece resistencia na cierto tipo di proyectilnan y qu un gran parti di e body ta blinda. Reedy a agrega qu e presidente a dicidi na usa e vehiculo di acuerdo cu e

ve de Murville recientemente a declará na Bruselas qu Francia lo actua cu un sentido "realista" ora qu e planta e cuestion di e credito di largo plazo den e negociacionnan cu Rusia. Evidentemente den e oportunidad aki tabatin planea pa ehecuta cierto negociacionnan entre Inglaterra y Rusia y Checoslowakia.

E exportacionnan frances pa Rusia a baha te na 63,400,000 dollar na aña 1963 despues di a alcansa un monto di 134,400,000 dollar na aña 1962. E exportacionnan ingles y di Alemania Occidental na aña 1963 a yega te na 155 y 154 millon dollar respectivamente. E exportacionnan ruso pa Francia a aumenta di 96 millon na aña 1962 pa 119,400,000 dollar aña pasa.

sugerencia di e comite di cuater persona qu ela nombra pa ehersé e recomendacionnan qu worde formula pe comision presidencial qu a investiga e asesinato di presidente Kennedy.

E presidentenan Johnson y Macapagal tabata claramente visible door di e estructura di material plastico qu awor nan no por kita, manera nan a hasi dia 22 di november ora qu Kennedy a ser asesina.

E auto a ser somete na diverso cambianan despues qu e fabrica Ford a entregele ne presidencia di e pais na luna di juni di aña pasa y awor a dicidi na modifikele totalmente. Te ainda nan a keda na hasi algun cambio chikitu ne auto.

## CUMPLEAÑOS

Dia 6 di Okt. a cumpli anja Senorita Ramona Geerman, felicitacion ta bini di su mama Imelda, tata Francisco, 7 rumanan, wela Ramona, welo Francisco, tanta y omonan, prima y primonan, padrino y madrinanan, tambe di toer e miebranan di Trappers y muy especialmente di su amiga Maximina Werleman y demas famia Geerman, Leon, Werleman y Croes.

Dia 6 di Okt a recorda un anja mas di feliz existencia Senora Agustina Carrion, felicitacion ta bini di su parti di su esposo Luis, mama Maria Magdalena Rosel, jinan Marcelino, Nary, Clemente, Inovia, Greta, Tano, 10 nietonan, suegro y suegranan y demas famia Carrion Rosel.

## ELISABETH II NA CANADA

CHARLOTTETOWN, -- ANP -- La reina Elizabeth y principe Philip antayera a llega e base Canadiense di forza aerea na Charlottetown, e capital di principe Edward Island, na principio di un bishita di 8 dia na Canada. Nan a tuma medidanan severo di seguridad. Manera anuncia algun extremista a amenaza den e provincia di habla Frances Quebec cu violencia, si no cumpli cu nan exigencia pa un separasion dje provincia aki.

## FTA kier representa trahadornan ACI

Barcadera, 7 okt. -- Dialuna ultimo directiva di federacion di trahadornan Arubano (F.T.A.) a manda un carta pa directiva di Antilles Chemical Industries, den cual carta nan tapidi e directiva pa un encuentro, pa intercambia idea encunto e representacion di e trahadornan di A.C.I. Door di F.T.A. cual ta bao di presidencia di senor Frans Lodewijk Maduro a pidi A.C.I. Ya cu nan tin mas cu cincuenta porciento di esakinan

como miembro. Esaki segun insidernan ta mas o menos un cien y cincuenta persona. E intencion di F.T.A. ta pa tan pronto posibel por cuminsa un negociacion tocante un combenio colectivo di trabao pa su miembronan.

Eden, actualmente Lord Avon a haci un llamamentu ne estadonan occidental, pa tuma nan politica di exterior atrobe den consideracion, esaki en relacion cu un posible acudamentu dje kestion Ruso Chines, cu e ta spera. Lord Avon, cu manera Anthony Eden tabata durante hopi aña minister di asuntunan exterior, y sucesor di Winston Churchill di 1955 te 1957, minister presidente Britanico, a bisa den e mensahe aki, Algun ta spera, cu e actual contradision entre Rusia y e republica popular Chines, lo tuma forman anas suave. Mi no ta pertenece cerca nan. E contraste aki tin raiznan profundo y e lo bira mas agudo. Segun e ex-promer minister. E consecuencianan di esaki riba termino cortico indubablemente lo ta probechoso pa occidente. Pero ta necesario pa mira mas alew. Lo tin un reparto dje forza di estadonan comunista pa mira mas alew. Lo parto dje forza di estado comunista y esaki ta haci un consideracion nobo dje politica di exterior di occidente posibel. E paisnan liber lo meste tin un gobierno mas fuerte si e kier mantene e orden internacional. segun e ex-promer minister Britanico y minister di asuntunan exterior Antony Eden.

Ayera un helicopter di marina Mericano cerca di Jokohama a cai den un mondi. Seis ocupante nan tur a muri.

## CONFLICTO RUSIA-CHINA POR EMPEORA

LONDRES, -- ANP -- E ex-promer minister Britanico y minister di asuntunan exterior Anthony

## TEMBLOR NA TURQUIA

URGENTE!! -- Uppsala, Suecia, -- UPI -- E instituto sismologico di Uppsala ayera tardi a registra un temblor fuerte di terra cu epicentro na algun lugar na zuidwest di Turkia.

Magnus Baath, director di e instituto, a declara na United Press International qu e temblor a ser registrá 1436 GMT, na un distancia di 2300 kilometer, den direccion zuid for di e stacion. El a agrega qu e temblor a alcansa un graduacion di 6,7 a 7 riba e escala Richter, loque ta nifica qu e mester a provoca destruccion considerable si el a tuma ligar den un zona densamente habitá.

## COMUNISTANAN TA MENAZA DI CANCELA ACUERDO DI PASENAN

Berlin, -- UPI -- Alemania Comunista a amenaza ayera di lo anula e acuerdo di pasenan qu nan a drenta cu Berlin Occidental, debido na morto di un guardia fronterizo comunista den e tunel den cual ayera 57 refugiado a scapa.

E diario di Partido comunista Neues Deutschland, a declara qu e bandidonan di Berlin Occidental a mata e cabo Egon Schultz ora el a descubri e tunel ayera mainta tempran. Pero testigunan occidental a declara qu ni e refugiadonan ni e berlinnesnan occidental qu a yuda nan habri e tunel, tabatin arma.

E corant ta adverti di qu Berlin Occidental mester eligi entre continuacion di e acuerdo di pase of continuacion di e choquen y e sangriento provocacionnan na frontera.

Ta ser calcula qu Schultz por a ser mata pa equivocacion pa un otro guardia fronterizo, o bien qu e mes tabata tratando buy.

Ayera Aruba su habitante di mas bieuw a celebra den hospital San Pedro su di 97 aña. Ta señorita Maria Fingal cu antes tabata biba na John G. Emanstraat 98 na Oranjestad. Srta. Fingal ta ser cuida na St. Michael Pavlijoen for di un luna of cinco pasa cu el ta cay ki-bra wesu di costia. Srta. Fingal cu ta masha salud ainda tin ainda un familia na Aruba un prima di 82 aña sra. Mona Wever serca quien antes el a biba. Na su aña su camber tabata dorna cu flornan y un bato.

# PRESONAN POLITICO A SER LIBERA NA GUAYAQUIL

Quito, -- UPI -- Tur e presonan politico quendenan tabata den e prison di Quito y den e prison di Guayaquil a ser pone den libertad ayera, como consecuencia di e problema politico qu a cuminsa sinan pasa entre e junta militar di Gobierno y prisioneronan di entidadnan autonoma di Guayaquil. Ayera noch nan a bini na un convenio qu a pone fin ne conflicto, garantizando autonomia admini-

## RESTABLECIMIENTO RELACION VENEZUELA Y SANTO DOMINGO?

Caracas -- (UPI -- Jose Luis Mattei, quende recientemente a worde nombrá consul general di Venezuela na Sto. Domingo, ayera a sali pa ocupá un puesto nobo, pero ela nenga na bisa si su nombramentu mester worde interpretá como un paso qu a ser duna pe pais aki pa reanudacion di e relacionnan diplomatica cu Republica Dominicana.

"Puntra e ministerio di relacionnan exterior", asina e contesta di Mattei ne periodistanan tabata. E funcionarionan nobo a haña instruccion pa solicita na Gobierno dominicano pe debilhe e

strativa di algun entidadnan y durante consecucionnan economica referente ne participacionnan fiscal di dicho organismonan, dedica na asistencia social. E detencionnan a ser pone den libertad, entre cual ta figurá ex-presidente Camilo Ponce Enriquez, quende a worde acusá pe Gobierno di ta implicá den un plan subversivo.

E corant "El Comercio" ta

cantidad di un millon dollar, qu segun nan ta afirmá, e ex-dictador venezolano Marcos Perez Jimenez, a inviri den Republica Dominicana.

Na aña 1958, despues di ser derroca, Perez Jimenez a exili su mes na Republica Dominicana.

Ela worde debilhe na Venezuela na aña 1963 pe Gobierno de Merca, riba un pedido di extradicion. Actualmente e ta den un prison di Caracas, acusá di a malversá 13,500,000 dollar. El fondonan politico. Siguiendo e yamado doctrina Betancouri el no reconoce un regimen qu a tene na mando pa medio di derro-

informá qu un barcu qu tabata dirigi su mes pe islanan Galapagos transportando 12 prisionero a ricibi orden di regresá e continente ora qu nan tabata na casi 500 kilometer for di e costa ecuatoriano. E convenio nobo ta limita e exigencianan guayaquileña pa un parti ya qu e ta desea na sigi e reforma economica estructural di e pais. Na Guayaquil nan a informá qu e ciudad awe manta a amenecé tranquil, na momentonan qu tur e tiendanan y pacusnan a habri nan porta, y tambe e banco y institucionnan publica y privá.

E feria Avicola Pecuaria a habri su portanan y nan a presentá tur e artistanan extranhero qu a worde specialmente contrata pa actua aki nan, entre quendenan e famosa actriz mexicana Rosita Quintana.

camentu di un Gobierno Constitucional, Venezuela a retirá su reconocimientu na Republica Dominicana, dia qu e militarnan a derroca e presidente constitucional Juan Bosch dia 25 di september di aña 1963.





## AGENDA

## ARUBAANSE COURANT

diariamente cu excepcion di diadomingo  
 subscripcion f. 3.25 pa luna-  
 edicion los 20 ct.  
 edita pa:  
 N.V. ARUBAANSE DRUKKERIJ  
 - en UITGEVERIJ - en PUBLI-  
 CITEITS MIJ.

imprimi na:  
 N.V. DRUKKERIJ  
 "DE STAD"

Telefoon 1116 Directiva y redac-  
 tion, 2116 Anuncio y subscrip-  
 tion.

Director hoofdredacteur:  
 D. Wolff.

POR CUMPRAR ARUBAANSE  
 COURANT NA E SIGUIENTE  
 LUGARNAN:

NA ORANJESTAD:  
 BOEKHANDEL MARISKA.  
 PIET SODA FOUNTAIN.  
 REFRESQUERIA INGRID.

NA SAN NICOLAS  
 NICOLAAS STORE.  
 UNION STORE.

## BOTICANAN DI WARDA

Oranjestad Botica Oduber Tel: 1780  
 San Nicolas Botica San Lucas  
 Tel: 5119.

## CINE

De Veer: 8.30 p.m. "O Sole Mio"  
 all  
 Rialto: 8.00 p.m. "La Virgen  
 de Coromoto" all  
 Principal: 8.00 p.m. "Flying Disc  
 Man From Mars" all  
 Aurora: NO MOVIES  
 Savaneta: 8.00 p.m. "The Left  
 Handed Gun" 18 j.

## TELEARUBA

05.30 Children Hour  
 06.00 Los Expertos Contestan  
 06.30 De Verrekijker

06.45 News  
 07.00 Lassie  
 07.30 Sportnews  
 07.45 Bevenly Hillbillies

08.15 Concentracion  
 08.45 English News  
 09.00 Wire Service  
 10.00 Wrestling  
 10.30 Sign Off.

ABO TA MI FELICIDAD  
NOVELA

No. 17.

ta cuminza hari, pero e hari nota  
 ona mucho contento. "Mi no ta  
 ere cu mi por keda mucho tempo  
 unto cu mi mayornan." Eberhard  
 ta keda pensa hopi di loke Barba-  
 ra a caba di conte. Despues e ta  
 keda mire un poco investigador.  
 "Bo tabata enamora un blaha, y e-  
 sey a resulta desgraciado pa bo?"  
 el a puntra, cu ternura.

Su cara ta bira basta corra, pero  
 e ta sacudi su cabes. "Bon bisa,  
 nunca mi tabata enamora. Mi kler  
 meen, .....te ainda no....." El a  
 keda mira Eberhard basta rato den  
 su cara/ Y su mirada ta muestra  
 claramente, loke ta dificil pa ebi-  
 sa. Eberhard ta sinti un miedo de-  
 cioso den su curazon. Ta cua  
 homber lo no keda contento, ora e  
 tende cu un bunita mucha muhe  
 joven y atractiva ta enamora di  
 el? "Bo a rabia?" el a puntra.  
 "Pero Babsi....." El a coy  
 su man tene. Asina nan dos a keda  
 drumi. mirando e cielo blauw. Te

ora cu di repente Barbara a hala  
 rosea pisa. Mesora Eberhard a  
 bira sucara y a sonreicune. "Ki-  
 ko bo tin, chikito?" "Wel, nada..."  
 "Nos tur ta busca, Barbara." E  
 palabranan aki a zona serio y cu  
 bon intencion. "Nos tur ta manera  
 un boto cu ta buscando supuerto.  
 Y abo no mester keda mucho, pa-  
 sobra toch cos no ta asina malo  
 pa bo. Si bo mester pensa riba o-  
 tro hende.....por ehemplo riba mi  
 pover Katrin, ya e ora ey....." Net  
 Eberhard a caba di menciona Ka-  
 trin su nomber, cu el a sintie un  
 poco culpable, pasobra el a lubi-  
 da completamente riba dje. "Un  
 momento", el a bisa, y a bula  
 lanta y a cana bay na e otro ban-  
 da di e boto. Katrin, Lieselot y  
 Bruno ta sinti junto bandi otro.  
 Nan ta hungando carta. "Boso tin  
 mester di un otro hungado, of ki-  
 zas dos hungado?" el a puntra.  
 Katrin ta hiza su cara, y su wowo-  
 nan ta brilla stranjo yen di bofon.  
 "Lastima, cu no por hunga mas cu

tres hende na e weg aki." Y pa  
 malo e ta leun contra Bruno, y e-  
 sakl ta lague hacie cu gusto. "No  
 worry papa, bay tene Srta. Barba-  
 ra compania, bo a tende? Eber-  
 hard a sinti con su sanger ta su-  
 biendo den su cabes. Y poco des-  
 pues el a bolbe bek serca e pelli-  
 roja.....El a coy Barbara su man  
 tene y a sunche. "Cuanto anja  
 bo tin Babsi?" "Binti tres!"  
 "Hm mmm" Eberhard ta plool  
 su frenta y ta keda pensa. E ta  
 dies cinco anja mas bjeuw cu ne.

Y Katrin ta net cinco anja mas  
 jong cu Barbara. Mi Dios, e ta  
 pensa, di con bida ta asina com-  
 plica pa mi? Katrin a sacami  
 completamente de mi balanza. Y  
 si e no tabata existi, e ora ey mi  
 por a sunche e mucha muhedru-  
 mi bandi mi. Y mi ta sigur cu e  
 lo no bay resisti. Ora cu el a  
 bira su cara pa Barbara, tabata  
 tin algo manera un speranza den  
 su cara. Un invitacion? Pero mas-  
 ke con gana Eberhard tin di hacie  
 e no por braza e mucha muhe.  
 Djies pa Katrin no mire! "Mi ta  
 cuminza sinti calor", Barbara a  
 bisa por fin. "Mi ta bay bolbe."  
 El a dal un sambuya den awa. E-  
 berhard ta vacila si e mester si-  
 gui. Pero di repente ta parce cu  
 e no por move. El a keda sinti  
 y spera riba regreso di Barbara.  
 Pero Barbara no ta tene su pa-  
 labra. Na e otro banda e ta subi  
 bek na bordo y despues e ta bay  
 yuda su mama preparando e cu-

mind. Y despues di esey tambe  
 e no ta aserca Eberhard tampoco.  
 Awor henter e dia a keda danja  
 pa Eberhard. E ta furioso. Riba  
 Katrin, e tirano chikito.....y na-  
 turalmente e ta rabia cu su mes.  
 Bandi atardi tur a bolbe bay lan-  
 da un poco. Despues, ora cu tur  
 ta na bordo bek, papa muha, ata  
 Katrin a bin corre braza su tata.  
 Manera un hende, cu kier drecha  
 algo..... Pero Eberhard a spanta  
 asina tanto, cu el a pusha Katrin  
 un banda. "He, bo culpa ta frieuw  
 Katja. Bo ta bay haya verkoud, si  
 bo no bisti algo seco.", el a bisa,  
 mientras cu solo ta kima basta  
 fuerte. "Tur a keda mire stranjo,  
 y Eberhard mester a haci duro,  
 ora cu ela mira lagrimas ta brilla  
 den Katrin su wowo. Despues Ka-  
 trin a bay bek den e camara. Pa-  
 sando bandi Barbara el a dale un  
 stoot basta duro, sin pidi dispen-  
 sa. Si, henter e dia a keda danja,  
 pa Eberhard. E ta haci tur supo-  
 sibel pa ningun hende ripara algo,  
 pero henter ora su wowonan, ta  
 busca e dos mucha muhernan: Ka-  
 trin y Barbara. Esta joventudos  
 ta.....y esta bunita. E tintur dos  
 na su curazon pega, pero e no por  
 bisa exactamente kiko precies e  
 ta sinti pa cada uno. Katrin ta su  
 jiu muhe, pero Barbara? Ta kiko  
 e ta sinti pe? Kizas Barbara ta  
 pas pe den su bida? Den e remo-  
 lino cu e ta bibando actualmente?  
 Henter e resto di dia Eberhard  
 ta keto y pensativo. Tin ora e ta  
 haya gana di coy tur su panjanan

REORGANISACION  
DI ASUNTUNAN  
MATRIMONIO MIXTO

LONDEN-ANP- Arzobispo, di  
 Canterbury, Dr Michael Ramsey  
 a declara ayera na e sociedad  
 di prensa de exterior na Londen  
 cu e actitud di iglesia Catolica  
 pa e matrimonio mixto mester  
 worde cambia, cu e intencion  
 di mehora e relacion entre e  
 dos iglesianan.

Segun Dr. Ramsey e presion  
 fuerte riba e conciencia di es-  
 nan no Catolico pa firma un de-  
 claracion cu e yunan for di e  
 matrimonio lo worde cria Cat-  
 olico, ta causa hopi duele.

El a bisa tambe cu e ta spera  
 cu concilio lo atende e proble-  
 manan aqul cu ta causa asina  
 tantu dolor y nesidad, di un  
 manera practico.  
 Huntu cu e problema di matri-  
 monio mixto e arzobispo di Can-  
 terbury ta haya e asunto di il-  
 bertad di religion tambe un pro-  
 blema importante.

ARESTACION  
NA  
MISSISSIPPI

MISSISSIPPI, - ANP- En rela-  
 sion cu e recien atentadonan di  
 bom den e teritorio di Cacomb  
 den estado Mericano Mississip-  
 pi ayera seis otro arestacion a  
 ser haci. Siman pasa ya 4 per-  
 sona a keda arresta. Segun anun-  
 cio di F.B.I. E hombernan en-  
 tre otro ta wordu acusa di uso  
 ilegal di explosivonan, pa cual  
 nan por hanja pena di morto.  
 Un dje personanan aresta ayera  
 ta un tal Emery Lee un des-  
 tacado experto militar teritorio  
 di desconecta armanan. Lee ade-  
 mas ta ser acusa tambe di ta-  
 batin ilegalmente explosivonan  
 den su poder y di a organisa un  
 conspiracion y a entrega explo-  
 sionnan pe recien atentadonan,  
 segun F.B.I. E ultimo lunanan  
 nan a comete 16 atentado di bom  
 den teritorio di Cacomb, y den  
 tur e casonan aki tabata ataque-  
 nan riba casnan o luganan di  
 reunion di Mericanonan di colo.  
 Riba un terreno den cercania di  
 cas di Lee un deposito subte-  
 raneo pa grenada bom di dinami-  
 ta, polvora, bala di scopet, ca-  
 rabina y klopnan a ser hanja.

## POSTSLUITINGEN

Argentina 15.30; Bolivia 15.30;  
 Bonaire 15.30; Brazilie 15.30;  
 Br Guiana 15.30; Canada 15.30;  
 Chile 15.30; Costa Rica 15.30;  
 Cuba 15.30; Curacao (8.00)(15.30)  
 El Salvador 15.30; Guatemala 15.  
 30; Honduras 15.30;  
 Mexico 15.30; New York 15.30;  
 Nicaragua 15.30; Panama 15.30;  
 Paraguay 15.30; Suriname 15.30  
 Trinidad (5) 15.30; Uruguay 15.30;  
 Venezuela 15.30.

E ta sigui...



**RIP KIRBY**

Agente exclusivo di

**FRIESCHE VLAG**

lechl evaporado y lechl en polvo

pa cortesia di:

**JAN BODEGOM & CO (ARUBA) N.V.****MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

with compliments of

**DOCUMENTATION & TRANSPORTATION**


FOR INCOMING, LOCAL &amp; OUTGOING CARGOES BY AIR, SEA AND LAND

**OFICINA MARITIMA DE ARUBA****DICK TRACY**

presenta pa cortesia di:

**VICTORIA BOTTLING COMPANY**

PEPSI-COLA --- SEVEN UP --- GRAPETTE - KIST -- VICTORIA SODA WATER --- BUFFALO ROCK -- GINGER ALE---

**HOROSCOPO PERSONAL**

**ARIES**-21 di maart-20 di april- Trata di ta generoso, Evita di papia meramente encuanto loke bo ta bai hasi o por hasi pa otro persona, Accionnan ta papia mas duru cu palabranan.

**TAURO**-21 di april-21 di mei- Lo ta masha facil si bo confundí e terquedad pa e intensidad di interes. Segura di loke bo ta desea ta algu cu realmente bo kier.

**GEMINIS**-22 di mei-21 di juni- Esaki ta un dia cu bo mester hasi cu cada minuut ta conta. Tene cuenta cu loke ta parse un fin por ta un cuminsamentu.

**CANCER**-22 di juni-23 di juli- Obtene e éxito desea a traves di un respeto saludo pa e capacidad di bo competidor mas cercano.

**LEO**-24 di juli-23 di augustus- Un leo impulsivo, bien por ta su propio enemigo e dia aki. Loke bo perde quizas bo no por recuperá.

**VIRGO**-24 di augustus-23 di september- Un bon cantidad di entusiasmo mescla cu e prudencia mester gana e éxito cu bo ta desea.

**LIBRA**-24 di september-23 di october- Libra optimista notin nada pa teme e dia aki. Sinembargo pesimismo por ta bo peor enemigo, di manera cu semper bo mester tin un sonrisa na man.

**ESCORPION**-24 di october-22 di november- Esaki ta un bon dia pa aprobecha e profundidatnan scondi e audacia.

**SAGITARIO**-23 di november-22 di december- Habri bo mente y sentinan pa canalnan nobo di inspiracion, especialmente den e actual ambientenan.

**CAPRICORNIO**-23 di december-20 di januari- Bo propio capacidad pa dirigi, casi mester pushabo riba e tentacion publico. Evita di sosega riba e laurelnan den futuro.

**ACUARIO**-21 di januari-19 di februari- Na laga ningun otro persona hasi bo trabao pa bo. Mostra cu bo por hasiele y bon. **PISCIS**-20 di februari-20 di maart- Esaki ta un dia cu por ta yen di tensionnan extraordinario pa Piscis. Lo ta masha prudente di bo parti pa no hasi decisionnan mayor den e epoca aki.

**APROBACION DI PLACA PA SURNAM**

**BRUSSEL, ANP.**- E proposicion pa financiamiento door di e fondo Europeo di desarrollo di dos proyecto di caracter economico, cu gobierno di reino Ulandes a entrega pa Surnam y cu e comision di EEG a presenta na e consejo di ministernan, ta worde considera di a queda aproba for di 28 di augustus di e anja aqui.

E prome proyecto ta trata di construcion di un red di canal y camindanan pa poldernan na Surnam cu un superficie total di 1280 hectare. E suma di e comisionnan di pago pa e proyecto aqui ta 680.000 florin. E terrenonan cu lo worde abri lo worde usa pa mayor parti pa crío di ganado y pa menor parti pa plantacion di boonchi, pinda y arros.

E segundo proyecto ta trata di ortogacion na Surnam di un bapor pa investigacionnan y algun instrumentenan pa landmeter, cu a worde adquiri den cuadro di un proyecto pa Nieuw Guinea, cual su ehecucion a worde suspende. Esaki lo hiba un suma di mas di 206.000 florin.